



Na osnovu člana 22 Statuta Brčko distrikta BiH (Službeni glasnik Brčko distrikta BiH, broj 17/08), Skupština Brčko distrikta BiH, na 74. redovnoj sjednici održanoj 18. septembra 2008. godine, usvaja

**ZAKON
O DOPUNAMA ZAKONA O JAVNOM PREDUZEĆU „LUKA BRČKO“
BRČKO DISTRIKT BOSNE I HERCEGOVINE**

Član 1

U Zakonu o Javnom preduzeću „Luka Brčko“ Brčko distrikt Bosne i Hercegovine ("Službeni glasnik Brčko distrikta Bosne i Hercegovine", broj: 16/04), iza člana 33 dodaje se novo poglavlje: „**XIII. PRIVATIZACIJA JAVNOG PREDUZEĆA**“, i novi članovi 33a i 33b koji glase:

„Član 33a

- (1) Javno preduzeće može se u potpunosti ili djelimično privatizovati.
- (2) Odluku o pristupanju privatizaciji Javnog preduzeća donosi Skupština Distrikta trojetinskom većinom glasova zastupnika koji su prisutni i glasaju.

Član 33b

- (1) Odlukom iz člana 33a stava 2 ovog zakona određuje se:
 - 1) Komisija za provođenje postupka privatizacije Javnog preduzeća (u daljnjem tekstu: «Komisija») koju imenuje Skupština aneksom odluke,
 - 2) osnovna načela, smjernice, rokovi, zadaci i odgovornost Komisije, i
 - 3) ostala pitanja od važnosti za rad Komisije.
- (3) Komisija priprema program privatizacije Javnog preduzeća koji između ostalog sadrži:
 - 1) metod i način privatizacije Javnog preduzeća,
 - 2) procent državnog kapitala koji je predmet prodaje,
 - 3) podatke o imovini i poslovanju Javnog preduzeća, i
 - 4) ostale elemente i dokumente neophodne za provođenje postupka privatizacije.
- (4) U zavisnosti od načina prodaje i procenta državnog kapitala koji je predmet prodaje, programom iz stava 2 ovog člana određuje se koji se propisi o privatizaciji preduzeća u Distriktu primjenjuju u postupku privatizacije Javnog preduzeća.
- (5) Program iz stava 2 ovog člana odobrava Skupština trojetinskom većinom glasova zastupnika koji su prisutni i glasaju.»

Član 2

Ovaj zakon stupa na snagu osmog (8.) dana od dana objavljivanja u Službenom glasniku Brčko distrikta BiH.

Broj: 01-02-171/08
Brčko, 18. septembra 2008. godine

PREDSJEDNIK
SKUPŠTINE BRČKO DISTRIKTA BiH
Prof. dr. Milan Tomić, s.r.